

❖ **MEDDWL AM Y NADOLIG**

Meddyliwn am y pethau  
nad ânt heibio  
pan fo'r gelynion wrth y pyrth  
a Herod o hyd ar dramp.

Am y bugeiliaid syml  
ar fryniau Galilea,  
a glywsant y proclamasiwn  
a berthyn i'r oesoedd.

Am y doethion  
a gawsant eu bodloni  
wedi 'nabod yr Eneiniog  
unwaith ac am byth.

Am wirionedd  
yng nghadw gyda Duw:  
Goleuni yn ymlid tywyllwch,  
Tywysog tangnefedd mewn stabal  
heb orfod cloi'r un drws.